

ULUTALA MUA O LE VAIASO NA SE'I MAVAE

- Tu i le mai ma le magalo tama na manu'a i Magele
- Lagolago e le faamasinoga le tagi a Lucan Battison, tuu ai pea lona lauulu uumi
- Maualuga pea totogi o alii i lo tamaitai i'u mai i se iunivesite
- Uunaia a'oga e faapipii ni masini pueata e vaavaai ai sauaga i totonu o lotoa a'oga



MANUMALO: O nisi nei o alii ma tamaitai o ni a'oga a Aukilani na faapaleina i tulaga i le tauvaga lauga sa fai i le vaiaso na se'i tuana'i. Atonu o le a avea nisi ma ni failauga lelei a le aganuu, le lotu poo ni pati faaupufai foi i le lumana'i. Ata: OLA 2014

Maua'a le lagolagoina o la tatou gagana i le taulaga o Aukilani



O loo maua'a pea le lagolagoina o la tatou gagana i totonu o le taulaga o Aukilani. O se faaiuga lea a la tatou puletini e tusa i le opogi mai a matua ma a'oga i le tauvaga lauga a le FAGASA i le vaiaso na se'i mavae.

I le Kolisi a Kia Aroha i East Tamaki, na faataunuu ai lea faamoemoe i lalo o le ta'ita'iga a le susuga i le faia'oga, Tuiavii Eliu Samuelu, ma se vaega o faia'oga Aukilani sa lagolagoina.

O se aso matagofie i le vaai, i le taupati mai o matua ma fanau a'oga e lagolago a latou sui tauva. Na amata i se sauniga faafetai i le Atua ma faaiuina foi i le Atua le faamoemoe.

O faaiuga la nei o le tauvaga:

Tausaga 5: Sili—PJ Sauaga Sir Edmund Hillary Collegiate; Tulua—Sausofaraina

O le autauva lena i le taimi na faafeiloai atu ai i le autapu ai mo le taimi muamua. Ata—OLA

Fepulea'i Sylvia Park; Tutolu—Sosene Toelau Henderson South Primary;

Tausaga 6: Sili—Auega Esau Henderson South Primary; Tulua—Madison Fouvale Sir Edmund Hillary Collegiate; Tutolu—Jane Faasavalu Robertson Road;

Tausaga 7: Sili—Joseph Losivale Weymouth Intermediate; Tulua—Taufaanuu Feagaiga Kia Aroha College; Tutolu—Mahonri Lokeni Kowhai Intermediate;

Tausaga 8: Sili—Frances Moe Kia Aroha College & Victori Soti Mangere Central; Tulua—Tavita Faamausili Kowhai Intermediate; Tutolu—Melina Savelio Weymouth Intermediate;

Tausaga 9: Sili—Faith Ipinui Kia Aroha; Tulua—Jonina Tunai St Marys College;

Tutolu—Mafua Matapula De La Salle;

Tausaga 10: Sili—Atia'e Eteuati De La Salle; Tulua—Pauamea Seiuli Kia Aroha; Tutolu—Senerita Patele St Marys College;

Tausaga 11: Sili—Lupesina St Marys College; Tulua—Pearl Ipinui Kia Aroha;

Tausaga 12: Sili—Natalia Malaesala Kia Aroha College;

Tausaga 13: Sili—Laine Feagaiga Kia Aroha College; Tulua—Taavao Leilua Kia Aroha College;

O igoa nei o a'oga ma le 'autauva:

Henderson South—Auega Esau ma Sosene Toelau;

Sir Edmund Hillary—PJ Sauaga, Joe Saina, Madison Fouvale;

Robertson Road—Jane Faasavalu, Shona Matini, Jeremiah Matini; (*faaauau itulau 3*)

Ripoti o le Vaiaso:

Fai paaga EFKS (Niu Sila) ma Hekia Parata



Fofoga o le Mafutaga, Rev. Nove Vailaau (tutotonu) ma lana autalavou o alii ma tamaitai. Ata: EFKS Porirua

O se tasi o autasiga iloga i le va o le lotu Samoa ma le malo Niu Sila lea na pine i lenei masina ina ua taufai malilie le minisita o A’oga a Niu Sila ma le EFKS Niu Sila, e galulue faatasi.

I se ripoti a le *Pacific Guardians* na ta’ua ai i se talanoaga ma le fofoga o le mafutaga Rev Nove Vailaau, e faapea ua talia e le minisita o a’oga, Parata, lana fuafuaga.

O le fuafuaga a le mafutaga o se auala e lagolagoina ai le Fuafuaga a le malo ua uma ona faataoto mo fanau a le Pasefika i Aotearoa nei, le Pasifika Education Plan 2013-2017.

Na ta’utino i lenei ripoti e faapea ua malilie itu e lua e osia se faigapa’aga, e mafai ai e itu e lua ona galulue vaavaalua i le sini o faaiuga manuia e pei ona folasia i le Fuafuaga a le Malo (PEP).

E le’i manino mai pe faapefea ona faatino sea galuega, ae poo a foi tuutuuga o lona faatinoina, pe iai se fesoasoani a le malo i le faatupeina o se sao o le mafutaga, o vaega ia e le’i maua mai i le ripoti. Pau le mea ua manino ma mautinoa, ua matala le avanoa e taupule ai le mafutaga ma le matagaluega o a’oga i se fesaga’iga tutusa, o se mea sa le’i tupu muamua.

E pei ona faaalua ai se fingalo o le fofoga o le mafutaga i lea lava ripoti a le Guardians, o lenei maliega ua faia i luga o tulaga malamalama, o le mafutaga e le o se vaega o le fuafuaga a le Malo, a o se tino o pulega e fia faatino sona lava sao e ala i lana auala o metotia (strategy) ua uma ona tapena.

I se taimi o Aokuso 2013 na faatau atu ai le mana’o o le Matagaluega i le mafutaga mo se faigapa’aga. E 18 masina na fale ai le mataupu ma fetuutuna’i foi muniao i le faautaga, ma tonu ai e talia le talosaga a le Matagaluega.

I lenei la maliega o le a avea ai le EFKS Niu Sila (i ana aulotu e 73, ona sui auai e 25,000 ma ona tupu, ma le 4584 fanau a’oga 0 i le 18 tausaga), o se tasi vaega pito toatele i le soalaupulega tuutele a lenei faigapa’aga.

I lenei lava ripoti o loo faaalua ai nisi o fuafuaga tuutuu mamao a le mafutaga e

tusa i se lumanai manuia o fanau a Samoa i le itu i a’oga, ae faapea foi galuega ma isi tautua moomia mo o tatou tagata.


Faaalia e le susuga ia Vailaau, ua fetau i le taimi o le mana’o mai o le malo ma fuafuaga a le mafutaga, e faasaga atu lana vaai i le itu tauatina’e o tagata. E tele se ‘oa o loo nonofo ma le EFKS (Niu Sila) e ala i le aganuu, tomai ma le tamaoaiga tautupe ma meatotino e mafai ai ona fesoasoani i o tatou lava tagata.

I lana pepa tusia o le Auala [strategy], na ta’ua ai mafua’aga o le auai o le mafutaga i lenei faigapa’aga. E iai nei: O iai lona tiute i ana fanau; o iai ia te ia le malosi tautupe (silia i se \$150 miliona tau o ana meatotino); le atamai faapitoa e lagolagoina ai; o iai le manatu mamafa i le mafutaga e faaleleia ana tupulaga talavou i a’oga ma galuega ina ia le avea i latou ma se avega i le malo i aso o i luma.

Fa’aalia e le alii faifeau o Vailaau, o le ata o lenei fuafuaga mo a’oga a le fanau e mafai ona faalatele atu i le taliina foi o isi mana’oga e pei o le soifua maloloina, fale, talavou i avanoa o pisinisi ma galuega, ma tulaga uma faapena.

O lenei vaai mamao a le mafutaga o le a iloga sona lelei mo le fanau a’oga, aemaise o ni suiga mai le tulaga faaletonu o loo iai le toatele e iu mai e aunoa ni tusipasi.

O le EFKS Niu Sila o se itutino o le EFKS Aoao i le lalolagi. Ua atoa nei lona 50 tausaga le matua talu ina faavae lana uluai aulotu i Aukilani i le amataga o vaitausaga 60.



Faasoa o le Vaiaso:

Sauaga i a’oga ma le faatamala o le faia’oga

O loo iai nei i le falema’i se tama a’oga o se a’oga i Magele i le va o le mai ma le magalo. O le Aso Lua o le vaiaso na se’i tuanai na tupu ai le faalavelave, ina ua tui e le tasi tama a’oga, 11 tausaga, le ulu o le isi tama a’oga, 11 foi tausaga, o lana vasega.

O le aso lava lea na tupu ai foi se isi faalavelave faapea i totonu lava o le aai i le a’oga a le Southern Cross Campus. O se tama a’oga e faapea na faaoolima i ai se isi tama a’oga ma lavea ai lona ua. Na lavea foi lona uso ina ua taumafai e fesoasoani. Na ave i laua i le falema’i mo ni togafitiga.

Muamua lava, o le tula’i mai o le misa a ni tamaiti i lalo o le vaavaaiga a se lotu o se mea e faanoanoa ai. O Magele o se tasi nofoaga e moni e le malaese i faafitauli faatalavou ae e toafilemu i le tele o taimi. E le faateleavave ona tusi i se mafuaaga, ae vave foi ona tusi i soo se mea pe a tula’i mai se faalavelave.

Pau lea, o le aliali mai o ni tulaga faapea i le fanau a’oga o ni fafagu e faamanatu mai, o loo tele pea ni mea e fia faaleleia mo fanau, e le gata i totonu o a’oga i le va o fanau ae faapea foi lotoifale o aiga, ma ona vao faafitauli.

O isi nei e fesootai i nei faalavelave: faasaua le matua i le laititi, taufaifai i matua o isi, leai se va fealoaloa’i, saogalemu i totonu o a’oga, faatamala o pulega.

I le mataupu muamua, fai mai ua leva ona iloa e le a’oga le faafitauli o le faasaunoa ma le taufaifai o isi tamaiti i isi, ae faaleano i ai. Lua, e leai se faia’oga i le taimi na misa ai tama.

Tele ni faasoa ua faailoa i le mataupu. Ta’ua e se isi le tulaga faaletonu o lotoifale o aiga o i laua na aafia tonu. O isi faasoa lautele i le mataupu sa ta’ua ai se suiga matautia i aga o sauaga ua tula’i mai. I aso la sa misa na o lima ma uma ai, o nei aso ua tagofia mea ma’ai. O ai na iloa atu le isi lima tausaga o lumana’i!

O le lafoga a le faipule ia Su’a ‘o tama lava ia o tama’ e iai lona sa’o i uiga o mea, o le mea foi lea e taua ai le ola puipui o a’oga ina ia le oo atu i le isi laasaga e faanoanoa ai—ma avevaleina ai le igoa o se aai poo se a’oga foi.

O le tulafono tausisia a a’oga, e le tu’ua na o tamaiti i soo se taimi. E mautinoa ana iai le faia’oga e le oo i se tulaga matuia e pei o lea ua tulai mai ai.



“mafauauga o le vaiaso”

E sili lava le puipuia i lo le togafitia. *Se upu tauologologo ua masani ai.*

Ripoti o le Vaiaso:

Mata'ina Tim Cahill i le maimoa a le lalolagi

Ua faaigoa e se tasi o tusitala Ausetalia i taaloga, o le sikoa o augatausaga. O lona uiga o lea upu e matuā faigata ona toe maua se isi sikoa e faia'ina ai. O le tusitala e ana le lafoga o le alii o Michael Lynch, o se tasi o toeaina i le faiva o le taalogologo i mea tau taaloga a Ausetalia. O lana piki foi lea o le sikoa numera tasi (1) i le tala faasolo o le soka a lenei atunuu.

O le sikoa a Tim Cahill mo le Socceroos i le 'au a Netalani, e le gata na tutusa ai le taaloga, 1– 1, a o le sikoa muamua foi lea a le malo Ausetalia ia Netalani i le tala faasolopito o le soka i le va o atunuu e lua.

Ua avea foi lea ma mafuaaga o le taula'i atu o le vaai i lea alo o Samoa o loo tu matilatila i le taumua o le vaa saili malo i lea fa'aagatama, e ui lava ina toatele e le i faalogo i le igoa.

O Tim Cahill o se tasi o se alo o Samoa, sa ta'alo mo Samoa i se taimi ua alu, ma o ia o se sui faamoemoeina o le 'au a Ausetalia o loo auai nei i le tauvaga mo le Ipu a le lalolagi. O le faatolu ai lea o taimi o filifilia pea i ipu e tolu a le lalolagi ua te'a, ma ia faatutuina ai ni matati'a fou iloga.

Muamua, i le ipu o le 2010 na ia sikoaina ai le uluai sikoa mo Ausetalia i se ipu, o ia foi le uluai Ausetalia na sikoa silia i tauvaga o le Ipu, i lea lava tauvaga. Lenei foi ua na faatutuina nisi matati'a fou i lenei tauvaga e pei ona ta'ua i luga.

O le tolu ai lea o ipu ua auai Tim, e tofu foi le tauvaga ma sana sikoa na maua ai. A o le sikoa aupito mata'ina lea na molimauina i le tauvaga lenei, 2014.

O Tim Cahill, 34 tausaga, (igoa atoa Timothy Filiga Cahill) na fanau i Ausetalia. O lona tamā o Timothy Cahill e sau mai Lonetona, a o lona tina o Sisifo e sau mai Samoa i le afioaga o Apia.

I Sini i Ausetalia na tutupu a'e ai ma ona uso e toalua, o lona tamā na faafeiloa'ia i latou i le soka ma faapea ona avea ai ma se taaloga e fiafia i ai le aiga.

E lua tausaga na nonofo ai le aiga i Samoa a o laitiiti Tim, ma sa ia ta'ua le taua o ia tausaga mo ia, o le faavae o lona sootaga ma le eleele poo le atunuu o lona tina—o le tasi ona pito malosi faaletagata soifua.

Na o le 14 ona tausaga ae filifilia i le 'au a Samoa i lalo o le 20 i le suega siamupini a le Oceania. O lana uluai taaloga faavaomalo lea.

I lona pulunaunau na tuu atu ai e ona matua e alu i Egelani, ma o Egelani na iloga ai 'ona atia'e ona tomali i kalapu sa ta'alo ai, faapitoa Millwall ma Everton, ma faapea ona iloa ai lana taleni e le lalolagi.

Na ia taliaina se ofo mai le kalapu Amerika le Red Bulls a Niu Ioka lea o loo taalo ai nei i se totogi e \$3.5 miliona tupe Amerika i le tausaga.

Molimau Tim e le'i faigofie lana malaga mai le amataga, ae na fesoasoani tele ona matua, faatasi foi ma le lagolago a ni ona tausoga matutua se toalua sa ta'a'alo soka i kalapu a tama matutua i lea taimi.

I lona 10 na ia lagona ai ua fia avea ma se tama soka faapolofesa, na mafua ai ona alu i Egelani e saili ai sona lumanai i le taaloga. Na ia iloa e le tutusa sana sailiga e faia i Ausetalia ma le tulaga maualuga o loo iai le



atina'e o le soka i Peretania. O se filifiliga poto lea na ia faia mo ia lava.

O le alii soka o le fetu numera tasi a Ausetalia i le soka, ae le lilo ai lona faasino-maga o se e mautu i lalolagi e lua. E fiafia e faailoa lona gafa Samoa; na ia ta'ua foi le faasala soo o ia i taaloga o se mea e ono faauiga sese e nisi, ae talitonu ia e mafua mai i lona uiga Samoa, e le faatafa pe a fesaga'i ma sana paga i luga o le malae.

I le taaloga lea ma Netalani na faasala ai Tim ma lē avanoa ai e ta'alo i le taaloga lona lua a Ausetalia ma Sepania. Lea foi ua misi se avanoa o Ausetalia e tauva ai mo le siamupini, ma e foliga o le toe taaloga lea a Tim i se Ipu a le Lalolagi e fua i lona matua ua iai.

O Tim e sau i se aiga o uso ma tausoga e lausilafia i taaloga. O lona uso laitiiti o Chris sa kapeteni i le 'au soka a Samoa, o ona tausoga o Ben Roberts (Liki), Joe Stanley ma Jeremy Stanley o tama tuai o le Olopeleki.

I lana sailiga malo, o le a faamauina lona igoa i le tala faasolopito o se uluai Samoa na ta'alo i le 'ausoka a Ausetalia, le Socceroos, ma ia faatutuina foi ni matati'a iloga mo ia, ma le atunuu na fanau ai.

Maua'a le lagolagoina o la tatou gagana i le taulaga o Aukilani



AUAI: Aniva, Tavita ma Rev. Pouniu Faamausili (toeaina);

Pule Aoga Trevor Diamond tufa faailoga;

Patisepa, Tuiavii, Dr Fuafiva;

Lagi, Patisepa, ma se tina auai.

Kowhai Intermediate—Mahonri Lokeni, Tavita Faamausili;

St Marys College—Jonina Tunai, Martha Peterson, Senerita Patele, Lupesina Koro;

Kia Aroha College—Taufaanuu Feagaiga, Frances Moe, Faith Ipinui, Pauamea Seiuli, Pearl Ipinui, Natalia Malaesala, Laine Feagaiga;

Weymouth Intermediate—Joseph Losivale, Melina Savelio;

Mangere Central—Victori Soti;

Holy Cross—Ashley Vaotua;

De La Salle College—Atiae Eteuati, Mafua Matapula;

O faamasino o susuga i faia'oga, Patisepa Tuafuti ma Dr Fuafiva Faalau (Massey).

Na matauina ma le fiafia le lava saunia o le 'autauva i soo se itu. E fai o le maua lelei o a latou tauloto, a o lona tilivaina i le leo ma taga

onomea. E le'i faigofie le galuega a faamasino ona o le taufai malolosi o le 'autauva uma. O lē na iloga togi na maua o Laine Feagaiga, e 98.

Sa auai le ma'ave esee se o Samoa i susuga i faafeagaiga ma faletua, pule a'oga ma faia'oga, matua matutua, e oo lava i le fanau iti.

O i latou na lautogia o le a sauni atu e tauva i le Tauvaga a le FAGASA i Ueligitone i se taimi o i luma. Malo le tausili mo le tatou gagana.

Saili Aukuso

O LE ULUAI AUALA NA TALIA E LE LAGI

E taunuu le pikiapu a le tamaloa o Aiafi i lo latou nuu ae ta loa ma le logo a le faifeau, o le taimi o faigalotu.

Na o ni matai se toalua o loo ia iloa atu i le pogisa ua pa'ū ifo, lea ua faapulouina malie le nuu e pei se ie'afu uliuli. Atili ai o se afiafi faatimutimu, sa ki e Aiafi le salutimu, lea ua 'o'i mai, e lagona mai 'ō le pa'ō auā ua masaesae pa'u.

Na iloa atu e le tamaloa lo latou fale, ua ola mai le moli penisini, ua malama ai itu uma o le faleapa, ma suluia ai le maopo telē e tu tonu lava i luma o le paepae ma'a.

Na lata atu le taavale i luma o le fale, ona tu lea e faatali se taavale o loo aga'i mai i le isi itu o le auala. E tataua ona pasi muamua ona afe ai lea. A o faatali na aapa ifo le isi ona lima e tape le salutimu, ma o le taimi lava lena na tupu ai se mea uiga ese.

I le tuaoi o le malamalama o moli o taavale ma se isi malamalama na ia lagonaina ai se suiga uiga ofoofogia ua tupu. Na ia iloa atu lona tino o loo taatia mai i luga o le moa o le auala taavale.

O le pusa o lana pikiapu pala pa'epa'e ua pei se ta'aiga uamea i lalo o le loli pusa sasaa a le SPDC, a o le ulu ua lelea aga'i i le isi itu o le auala. Na iloa atu foi totoga o lana uta na sau ma ia ua ta'ape i luga o le auala tele, e tolu pusa apa eleni, o alaga puua ma povi, ma le fusi toga ua salalau solo. O ipu mea'ai sa i totonu o atigipusa ua felelei ma taatitia solo mai. O apa eleni ua pala ma pāpā ona o le malosi o le fetō'aiga; ua punou ai nei se taifau ta'a na taunuu muamua ane.

Ae i le ogatotonu o loo taoto ai lona tino. Na ia iloa i lea lava taimi, e ese ia mai lona tino o loo taatia mai nei, lea o loo tilotilo atu i ai. Na te iloa lelei atu le tuga o ona manu'a, o lona auvae ua tautau ese mai lona gutu, o le isi ona lima ua lelea ese ma o loo taatia mai faatasi ma le alaga o le manu papalagi. Ae na te le o lagona se tiga. O le mea lea na sili ona ofo ai.

Na tutu taavale na taunuu muamua ane ma faata'ali'oli'o nei i le tulaga tonu o le faalavelave, ma taufai ki o latou moli i ai.

Na ia iloa atu tagata o lo latou nuu ua gasolo mai. Ua na o le tutu ma vaai, ae taunuu ane loa le alii faia'oga o Semau ma savali sa'o atu loa i le mea o loo taatia ai lona tino. Na valaau Semau i se moliuila ona avane lea i ai e le toalua o le faifeau. Na lei umi ona autilo ae ea a'e i luga ma faapea mai, "O Afi, o si toeaina o Afi."

Na alu a'e nei i luga le 'e'e a le tagata. Faato'ā ia iloa lelei atu o si ona toalua. Ua tamo'e ane i le mea lea e taoto ai a o le faletua o le faifeau ua savali ane i ai. Na ia vaaia foi si ana fanau ua tamomo'e ane ma laue i autafa o lo latou tina.

Na vave ona faalava le susuga a le faifeau e ala i upu tima'i i tagata o loo laue ma fetagisi; ma le toatele o le nuu ua



lolofo mai, a o loo faatali le taavale a le falemai mo se 'afa itula.

"E lelei ona o mai pea fomai e tapena lelei le tino o Afi, e leai se mea e toe nanati ai ua alu lana malaga," o le fautuaga lea a le auauna.

Na lagi a'e nei e se tasi le pese lotu e fiafia le tamaloa o Aiafi e pese ai, Sauni ia le pese fou ua toe tu mai Iesu; e taunuu le taavale tilima'i a ua maoga ifo le tagi aueue a si ona toalua. Na gaiioi loa fomai i o latou tiute, ua tapena lelei lona tino i totonu o le taavale, o lona lima na lelea ese ua toe faapipii lelei i le tino atoa.

Na ia vaaia si ona toalua ua oso i totonu. Ona faa'e'e loa lea o le sailini ma see ese atu loa le taavale mai le mano o latou sa vaavaai. A o alu le taavale na mulimuli ai foi ma ia.

E tasi le mea na maua lelei i lana vaai a o tilotilo ifo, o le uso laitiiti o lona tamā. O ia lea na pisi i le taeina o toga ma toega mea'ai na salalau solo i luga ma autafa o le auala. Sa faapea ifo o ia i lona loto, "Talofa e i si o'u toalua ma si a'u fanau, o lenei o le 'a pule le tagata faalealofa i le aiga."

Na pasi laitiiti lava e le taavale le Tiamaa i Vaitele ae faafuasei loa ona segia a'e le tamaloa o Aiafi e se malosi uiga ese. I lana vaai o se asiosio uliuli pato'i. Pau lona, na te le lagona se pa'ō ae na o le pogisa uiga ese. E le'i leva ae ia iloa atu se malamalama itiiti lava o tuu mai i ona luma. Na aga'i mai ma faateteleina lona pupula. Na ufitia ia i le malamalama uiga ese, ona mou faafuasei ese lea ae toe fesaga'i foi ma le pogisa matautia.

Se'ia faafuasei lava ona tulaueleele i se fanua e foliga i se toafa. Na ia iloa atu se tagata e foliga i se agelu o loo savali ane e faafetaui mai ia i le itu taumatau.

"Susu maia ma tala mai aao", o le faatalofa lea a le agelu i se gagana na te lei faalogo muamua i ai ae malamalama ai.

Na taumafai e tali atu ae le mafai.

"Ua lelei ua e taunuu manuia mai", o la le agelu lea, "ae vaai oe, o Pulekatolio lenei, pau lenei o le nofoaga e te maua ai le avanoa e toe fuata'iina ai lou olaga.

"Ua uma ona tilotilo le lagi i lou tala'aga, o oe se tagata e lotoalofa i tagata atoa ma mea fafaga. Ae toatele foi ua mafatia talu oe. Ua e faaloto i mafatiaga o isi. Ua e tutuli foi isi i seoli. E mana'omia se faaleleiga atoa, ona toe iloilo lea o lou faila po ua fetau le lagi mo oe."



Ua faaauau pea le tala a le agelu.

"E fitu tausaga e te nofo ai iinei. O le a e uia ni polokalame e faaleleia ai tulaga uma ia. Ae mana'omia lou usiusita'i i faatonuga, ma ia lava papale auā e tele faaosoosoga."

O le taimi lava lea na mou ai le agelu ae tau lana vaai i ni tagata se toalima o loo savavali mai. Na pei o le pa'i a le matagi malu i tino lona olioli ina ua ia iloa atu o ana uo nei ua leva ona latou mafuta i le lalolagi. O ana tama nei e miomio faatasi pe a fai ni faaulufalega, ni saofa'i poo ni lagi o ni alii taua.

"Aua e te popole Afi", o la latou tima'i lea.

"Ua matou foi mai ai i suega uma na sa fai atu ai le agelu. Na faasavavali matou i luma o se nuu Samoa ma ofo mai ie sae e gata ai ie a le atunuu, o le palapala malo ma fusi tupe Amerika mafiafia.

"A o le mea malie, ua pei lava o ni otaota na mea i la matou vaai. Auā na faavaai matou i mafatiaga o nai aiga, i aitalafu ma tulaga faapena o loo pologa ai . . ."

Ona mou faafuasei foi lea o ana uo ae tuua na o ia. Na ia iloa o le alofa o le Atua ua auina mai ai ana uo e fesoasoani.

O le aso e sosoo ai na amata ai ana suega. Na faasavali ia i luma o se aai e pei lava o le tala a ana uo ia te ia. E le'i aunoa ae ta'i mai se ie Samoa matagofie tele na matua tosina i ai lona loto, ma mafaufau ai i si ona toalua ma le aiga. O le iuga e le'i pasi lana suega.

Ua toe sauni foi, a ua faapea lava ona faia'ina pea lava. Ua toe tasi le tausaga. A ua iloa e agelu le mea o loo tupu, ona aami lea e le ta'ita'i agelu mo se la talanoaga.

"Ua ou iloa le mea lena e faalavelave ia te oe, o lou toalua ma lau fanau. Ae faalogo lelei mai, lafo mai le vaaiga o lou toalua ma lau fanau ia i matou. E leai se mea e te popole ai. Pau le mea, o le popole o oe ia te oe", o le faala'e'au lea a le agelu.

E le'i toe faaluafesasi lona taumafai. A o tilotilo atu i ie memea o loo ta'i mai, na pei lava o ni laufala vao i lana vaai. A tilotilo atu i le palapala malo o pusa apa papalagi, ona faapea lea a ia, "Talofa e i nai manu na faia e le Silisili Ese'.

Na ia iloa ai i lea lava taimi, ua mate le pogai o le tuinanau sa pulea lona tagata.

Ae toe tasi le suega, o le tala lea a le ta'ita'i agelu. 'E te savali aga'i i le faitoto'a e ulufale ai i le nofoalii, ma e tauloto le upu Eperu, o lona uiga, *E paia le Alii o le Lagi!*

"E tataua ona maua lelei ma ia e leo tele foi", o le toe upu lea a le agelu.

Ua faapea ona fai. Ua faasaga o ia e a'o le upu Eperu i le po ma le ao. Ua oo i le aso atofaina na te savalia ai le puipui o le nofoalii mamalu, ona savali ai lea. Peitai na aveia lona faagaetia tele i le ofoofogia o le vaaiga ma mea na galo ai ia te ia upu.

Ua le mau fetuuna'i, a o lea ua lata atu lava i le nofoalii, o lona toe avanoa lea, ona alaga ai lea ma le leo tele lava: "Tulouna a le Lagi! Tulouna a le Lagi!"

Ona matala ai lea o le faitoto'a.

Sponsored by Evaleon Books

LOUTALA FA'ASOLOPITO SAMOA HISTORY



29 Iun—06 Iul

29

1884 Tuu ifo maafaavae o le Malumalu Katoliko Mulivai

30

1959 Faavae le kamupani vaalele Polenisia

1942 Taunuu i Apia USS Heywood ma se faaopoopoga o malini 5074 atoa i Samoa

01 Iulai

1942 Mae'a galuega malae Vaalele Faleolo

1929 Maliu ER Gurr, se sui Papalagi o le Mau

1845 Lulu ni mafuie se lua pito I matu Upolu

02

1962 Faatau atu uluai faailoga lafo tusi Samoa tutoatasi

1909 Tuua le malo e Tui Manua Elisara

03

2004 Ausetalia. Malolo auili a le Pasefika ia Ausetalia, 29-14

1932 Faatasiga Mulimuli, maa faamanatu Siamani i Samoa

1877 Taofi e Theodor Weber (sui o Godeffroy) le vatau o Samoa e ala i se feagaiga

04

1949 Amata le galuega malumalu Metotisi i Matafele; tufuga Misi Taiseni

1830 Malilie misiona e lua—LMS & Uesiliana e tuu Samoa I le LMS

05

1963 Tatala alavaa fou o le Polenisia (Faleolo-Aitutaki)

1939 Tuua le malo e Malietoa Tanumafili 1

06

2001 Maliu Derek Freeman

1973 Maliu Iiga Sauni Kuresa



Vaai i le ofo o lana uo Fiti i le feula a liga i pu e lua; e tofu le pu ma le leo e sau ai

Malotutoatasi Iiga Sauni Kuresa, o se taleni a Samoa

E le tele ni faamau tusitusia i le soifuaga o le Tofa ia Iiga Sauni Kuresa, poo le afioga ia Malotutoatasi, o le na fatuina le Vii o le Saolotoga, ae afe ma afe e iloa lelei upu o le vii ta'uta'ua na ia fatuina. Sa faipule i le uluai paeaiga o le tutoatasi, ae mativa i ni molimau faaopoopo pe auiliili. Na sili ona iloa i le taleni o le musika i le saunia o fati ma upu. E gasolo i ai faipese mo musika mo le pu ma meafai faaili, ae lelei foi le fatu pese i pese o lotu ma fatuga faaleatunuu. Lelei i le taina o mea fai faaili. O lana pese na filifilia e le komiti ina ua saili se vii o le malo tutoatasi.

E lua pese na fai i ai le filifiliga, o le Samoa Tulai a Kuresa ma le Lo'u Nu'u e a Pene Solomona. Na autasi le filifiliga i le Samoa Tula'i. Ae na iai le tuualalo mai ta'ita'i o le lotu i lea taimi, e manaomia ona afea le Atua le faavae, e le pese. O lea na toe fai ai ni suiga i faaupuga, E pei o le "vaai ina fetu o loo ua agiagia ai, le faailoga lea o Iesu na maliu mo Samoa". Atoa foi le "Atua lo ta faavae, o lo ta saolotoga."

E mautinoa ua na'o aiga o le alii fatupese e maua i ai se atoaga o le tala ia te ia; o se autu lelei foi mo ni sutesuga i se tikeri musika poo le tala faasolopito o Samoa ta'uta'ua.

NIUPAC PUBLICATION

Email: evaleon@extra.co.nz
Phone: (09) 269-6186
Postal: PO Box 43122
Mangere Town Centre,
AUK 2153

All rights reserved. This bulletin and its content is protected by copyright laws of New Zealand and international conventions. Except for educational purposes, any other activity pertaining to its use is prohibited. NIUPAC 2014

Editors:

Levi Tavita
evaleon@extra.co.nz

Muliagatele Vāvāo Fetui
v.fetui@auckland.ac.nz

Saili Aukuso
saili.puletini.aoga.ola@gmail.com

Sponsors:

New Zealand Lottery Commission

Evaleon Books & Niupac Publishing

Wheeler's Books (NZ)







EVALEON BOOKS & NIUPAC PUBLISHING

Telefoni (09) 269-6186. Imeli: evaleon@extra.co.nz



Tautua e ala i le gaosia o alaga'oa mo a'oga (tusi mo le a'oa'oina o le faitau i le gagana Samoa, tusi e a'oa'o ai gagana, kalena, posters, yearbooks, brochures. E tautua fo'i i le fa'aliliuga o gagana, ma le tapenaina o ni tusi e fia lomina i so'o se sionara o fatuga.



Lau Amata:
(i tusi e tolu)
2011, 2012

O se folasaga o vaegamea o le gagana, leo, upu ma uiga i sona aotelega. Fa'atasi ma galuega e su'esu'eina ai le fanau a'oga.



All our books are distributed by the University Bookshop Ltd, Auckland City. Contact: www.ubsbooks.co.nz/ & Wheeler's Books NZ. Contact: www.wheelersbooks.co.nz

Ask for our Latest publications

UILI FAU UPU

Saili tali o fesili o lo'o i lalo.
Pule oe pe sipela i luma
(clockwise) po'o tua
(anticlockwise).
E sa le feosoosofa'i.

1. Tusi mai ni soa se tolu
o le upu *aiga* i le Igilisi:

2. Su'e le upu *sa'o* ma tusi
uma ni ona fausaga.

ft., sa'oga

3. Su'e le upu *saofa'i* ma tusi
sona faamatalaga:



4. Tusi uma upu/ fuiupu
e ta'i 4-8 mata'itusi,
(ma o latou soa i le
Igilisi—English).

(E faitaulia ma upu ua
ta'ua i le 1, 2 & 3)

Lelei atoa = 12 upu

Lelei tele = 8 upu

Lelei = 6 upu

Mo fanau laiti, e lava upu e ta'itolu pe ta'ifa mataitusi, ae fua lava i le malosi.

SUDOKU #19 (TAALOGA I NUMERA)

	4			8	3		
2				3			8
	9		4	5	1		
				6		1	5
5			3		7		6
6	7			8			
		1		9	4		8
8			5				2
		5	8				4

FAIGOFIE/ FEOLLOLO/ FAIGATA

Fa'atumu
pusa numera
(tama'i
sikuea) i
fuainumera
1 i le 9.
Ia uma ane le
galuega ua
maua atulaina
ta'itasi
(tu, fa'alava)
o iai le 1 i le 9.
E tofu le
atulaina ma
lona
fa'atulagaga
e ese mai le isi.

TALI GALUEGA OLA 18

UILI FAU'UPU 18

1. mago—mango; mago—
dry; mago—type of shark
2. ola & ona fausaga—
faaola, olaga, olaina, olaola,
olataga, faaolataga,
faaolaina, faaolaola,
faaolaolaina, faaolatia.
3. masalo (nauna & veape).
O se lagona le mautonu, le
talitonu atoatoa, taumate
pe moni. E 'asa le faiva ae le
'asa le masalo. Ou te masalo
i le fa'aaliga a le palemia.

4. sama le pe'a, sama le
tino i le lega, masa—
stink (le popo), masa le
tai—neap tide, salo—
wipe off; salo— lick;
loga—hiccup; aloga—
fishing trip; masaloga—
doubt(s), ma isi

TALI SUDOKU #18

1	6	7	4	5	9	2	3	8
5	2	8	3	1	6	4	7	9
9	4	3	7	8	2	1	5	6
2	9	4	1	3	5	8	6	7
3	5	1	6	7	8	9	2	4
7	8	6	2	9	4	3	1	5
4	3	5	9	6	1	7	8	2
8	1	2	5	4	7	6	9	3
6	7	9	8	2	3	5	4	1

TA'U MAI:

O lea fu'a a le
malo o Brazil
(Parasili), lea
o loo talimalo
nei i le Ipu Soka a le lalolagi. O
Parasili o le malo aupito telē
i Amerika i Saute. O lana
taaloga muamua o le soka, e
tautatala i le faaPotukale, na
tutoatasi i le 1822.



M	A	R	S	H	M	E	S	S	I
S	O	L	R	A	T	E	S		
P	A	P	I	R	A	T	E	S	
U	P	P	E	R	O	E	W		
R	A	P	O	N	T	A	R	I	O
C	L	A	C	O	N	L			
E	V	E	I	R	E	A	L		
L	E	M	S	U	P	E			
L	C	E	S	S	A	T	I	O	N
D	G	O	O	I					
R	O	N	A	L	D	O	A	L	L

TALI
PASO #18

© PasoSamoa, 2014

PASO I GAGANA E LUA

Fa'atumu le paso i upu **Peretania**. Fill the crossword
with **English** words/names—unless stated otherwise.

1	2		3		4		5		6	7
			8	9					10	
11		12		13		14		15		
16	17									18
19				20						
		21								
22				23					24	
		25	26					27		
	28		29		30		31		32	
33		34								
				35						

Fa'alava~Across

- 1 Paneta
Marusa (4)
4 Tusitala, faaee
i ai le papa
Gatoaitele: (5)



- 8 sami (3)
10 tatou (2)
13 Lakapi:
Aaron Ai? (6)



- 16 igoa o se taua
(Amerika) (5)
19 igoa o se kaupoe pese
tifaga le lanu, _ Rogers (3)
20 pelulale 'noumenon'
(7)
21 faailoga fetu (toa) (3)
22 Aoga Niu Sila—vaega e
suesueina aoga: (3)
23 Lakapi: tamai sikalamu
(4)
24 lua (2)
25 sootaga polokalame
komepiuta (Java) (3)
29 to ese le pa'u tuai pei
ona faia e le
gata, pepe (8)
33 fesoasoani
(4)
35 Soka:
Bill Ai? (7)



Lalo~Down

- 2 se faasalalauga faatau (2)
3 fitafita a Hitila (Hitler) (2)
4 faaleaga, leaga ai (3)
5 taimi tuanai
lead (3)
6 malie (3)
7 faapei (2)
9 mea tau
tamaoaiga (7)
11 Fusu:
Joseph Ai? (6)



- 12 Kilikiti:
Ross Ai? (6)



- 14 se atunuu
auai Ipu Soka
(7)

- 15 paka taalo i Aukilani (4)
17 faauta (2)
18 Soka:
Tim Ai? (6)



- 26 tamaloloa
(3)
27 mataitusi 16 alefapeti
Eleni (4)
28 faailonauna: i, ia (2)
30 Leoleo: iunite e gafa ma
fualaa faasaina (3)
31 gagana i ulu mataitusi:
tuafafine faaletulafono (3)
32 taula'i (3)
33 tikeri muamua a'oga (2)
34 pe, poo (2)

POLE ma PAPA

